

## TOPOLŠČICA

Blizu grada Šoštanja, u priyatnoj i prema suncu otvorenoj dolinici, usred sjenovitih crnogoričnih šuma leži Topolščica (400 m), državno lječilište za plućne bolesti. Sa sjevera štiti Topolščicu strma, visoka gora Lom (800 m), a s lijeva i s desna niz manjih brda, obraslih gustim smrekovim šumama. U lječilištu nema vjetrova, magle, prašine ni dima.

Indikacije: početna tuberkuloza bez visoke temperature, hronična grozničava tuberkuloza bez temperature, lymphadenitis tuberculosa non suppurativa, pleuritis exsudativa, peritonitis chronica, pneumothorax umjetni, ako je druga strana pluća još zdrava. Medikamentarna, specifična i hirurška terapija.

Protuindikacije: Ne pripuštaju se pacijenti, koji se ne mogu micati sami bez tuđe pomoći, pacijenti s otvorenom tuberkulozom mozgovnih žlijezda, kostiju, jabuka i sa fistulama koje god vrste, onda teški slučajevi poremećene probave, phthisis caseosa, cavernosa, bronchiectatica, meningitis spec., tbc. miliaria.

Sezona je cijele godine, a ljetna od maja do svršetka augusta (120 mjesta za pacijente. Zimska sezona: od septembra do maja (50 mjesta).

Sanatorij, tri vile. Ishrana u vlastitoj lječilišnoj upravi. Ljetni i zimski stanovi. Elegantra trpezarija, salon, damska soba, biljarska soba, veranda, bašta. Prehranu i sobu određuje liječnik specijalist. Preventorijum za djecu. Velik, lijep park među pojedinim zgradama. Krasna šetališta po smrekovim šumama i livadama.

Prirodne ugljičnokisele terme 31° C (muški i ženksi bazen po 15 osoba). Apoteka, laboratorij, Röntgen itd.

Preporučuje se pacijentima, da unaprijed jave upravi lječilišta vrijeme dolaska i da dođu tačno u određeno vrijeme, kako bi im se mogla poslati pravovremeno kola na željezničku stanicu.



### *Pohorje*

*Senjorjev dom  
kod Ribniških  
Jezera*

*Chalet Alpin au  
Ribniška Jezera  
Schutzhaus bei  
Ribniška Jezera*